



Orang ramai memakai pelitup semasa penularan COVID-19 di Singapura. (Gambar: Edgar Su/REUTERS)

60% terima maklumat palsu COVID-19 di media sosial: Tinjauan NCID

21/5/2020 20:24

A A+

KONGSI ARTIKEL



SINGAPURA: 60 peratus responden menerima maklumat palsu berhubung pandemik COVID-19 namun, hanya 14 peratus yang mengongsi maklumat itu hampir atau pada setiap masa. Demikian hasil dapatan daripada satu tinjauan bersama yang dijalankan oleh Pusat Nasional bagi Penyakit Berjangkit (NCID), Sekolah Kesihatan Awam Saw Swee Hock Universiti Nasional Singapura (NUS), Sekolah Perhubungan dan Penerangan Wee Kim Wee Universiti Teknologi Nanyang (NTU).

Tinjauan itu melibatkan 700 peserta yang ditinjau secara online selama dua minggu sekali mengenai faktor-faktor sosio-tingkah laku semasa pandemik. Satu daripada enam peserta itu berusia 60 tahun ke atas. Tinjauan tersebut mendapat platform-platform media sosial seperti WhatsApp dipilih sebagai sumber maklumat yang digemari berbanding program televisyen dan lelaman.